

15. feruntur. Sermo nullam commotionem excitaturus, veridicus et comitatus plenus, nec non tacitae lectionis (*librorum sacrorum*) consuetudo: haec ad oris castimoniam referuntur.
16. Mentis serenitas, benignitas, silentium, sui coërcitio, indolis
17. illustratio: haec ad spiritalem castimoniam referuntur. Fide insigni castimoniam hanc tripartitam servatam, ab hominibus nullum inde praemium captantibus, essentialem nuncupant.
18. Honorem, dignitatem ac reverentiam sibi comparandi gratia, nec non cum simulatione pietatis quae castimonia exercetur,
19. ea in hoc aevo declarata est impetuosa, levis, infirma. Quae ex inepto commento ad sui ipsius cruciatum exercetur castimonia, vel aliis damni inferendi gratia, ea caliginosa pronuntiatur.
20. Hac persuasione, largiendi officium nobis incumbere, quae largitio fit ei, qui haud gratus est apud potentes, iusto loco ac tempore, et pro merito, ea largitio essentialis memoratur.
21. Quae vero favoris mutui captandi gratia, vel praemii respectu quoque fit, atque reluctanter, ea largitio impetuosa memoratur.
22. Quae inopportuno loco ac tempore fit largitio atque inter indignos, sine comitate, cum contumelia,
23. ea caliginosa pronuntiatur. OM, ID, ENS: hunc in modum designatio numinis triplex memoratur, a quo Brachmani, librique sacri ac sacrificia olim ordinata sunt. Ideo hac syllaba om pronuntiata, sacrificii, largitionis ac castimoniae actus
24. religione imperati inchoantur semper a theologis. » Id ipsum est, « sic statuto, sine praemii expectatione sacrificii et castimoniae actus, nec non largitionis actus varii perficiuntur
25. ab iis, qui emancipationem suam desiderant. De veritate ac honestate istud vocabulum ENS adhibetur; de laudabili opere
26. similiter adhibetur, Prithae fili, eadem vox. In sacrificio, castimonia, largitione constantia quoque ENS appellatur; nec